



Broj: 12-11-15-379/20

Sarajevo, 19. 2. 2020. godine

Na osnovu člana 70. Zakona o javnim nabavkama („Službeni glasnik BiH“, broj 39/14) i preporuke Komisije za provođenje postupka javne nabavke usluga hotelskog smještaja za potrebe Ureda za reviziju institucija u Federaciji Bosne i Hercegovine za budžetsku 2020. godinu, generalni revizor d o n o s i

ODLUKU

o izboru najpovoljnijeg ponuđača za usluge hotelskog smještaja u Tuzli

I

Nakon provedenog postupka javne nabavke usluga hotelskog smještaja za potrebe Ureda za reviziju institucija u Federaciji Bosne i Hercegovine za budžetsku 2020. godinu, ugovor za nabavku usluga hotelskog smještaja u Tuzli – lot 3 dodjeljuje se ponuđaču: Rudar d.o.o-Hotel Minero Tuzla.

II

Zadužuje se Odjeljenje za pravne i opće poslove i ljudske resurse da o rezultatima provedenog postupka javne nabavke obavijesti ponuđače, a istovremeno ovu Odluku objavi na web-stranici Ureda za reviziju institucija u Federaciji Bosne i Hercegovine, www.vrifbih.ba.

III

Nakon sticanja uslova, Ugovorni organ će pozvati izabranog dobavljača iz tačke I ove Odluke radi zaključenja ugovora.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) Odlukom broj 12-14-30-1/20 od 9. 1. 2020. godine pokrenuo je postupak javne nabavke usluga hotelskog smještaja za potrebe Ureda za reviziju institucija u Federaciji Bosne i Hercegovine za budžetsku 2020. godinu, i to usluga hotelskog smještaja u Sarajevu – lot 1, usluga hotelskog smještaja u Mostaru – lot 2 i usluga hotelskog smještaja u Tuzli – lot 3.

U skladu s odredbama člana 8. Zakona o javnim nabavkama Bosne i Hercegovine („Službeni glasnik BiH“, broj 39/14, u daljem tekstu: Zakon) i odredbama Pravilnika o postupku dodjele ugovora o uslugama iz Aneksa II dio B Zakona o javnim nabavkama („Službeni glasnik BiH“, broj 66/16, u daljem tekstu: Pravilnik), Poziv za dostavljanje ponuda za izbor najpovoljnijeg ponuđača za pružanje usluga hotelskog smještaja u Sarajevu – lot 1, usluga hotelskog smještaja u Mostaru – lot 2 i usluga hotelskog smještaja u Tuzli – lot 3, objavljen je na web-stranici Ugovornog organa 30. 1. 2020. godine, te upućen na tri adrese po svakom lotu.

Postupak je provela Komisija imenovana Rješenjem generalnog revizora broj: 12-14-30-2/20 od 9. 1. 2020. godine, koja je sačinila: Zapisnik o zaprimanju ponuda broj: 12-14-30-5/20 od 13. 2. 2020. godine, Zapisnik o otvaranju ponuda broj: 12-14-30-6/20 od 13. 2. 2020. godine, Analitički prikaz traženih i dostavljenih dokumenata – Kvalifikacija ponuđača, broj: 12-14-30-7/20 od 14. 2. 2020. godine, Zapisnik o pregovaranju 12-14-30-8/20 od 17. 2. 2020. godine i Zapisnik o pregledu i ocjeni ponuda broj: 12-14-30-9/20 od 17. 2. 2020. godine.

U postupku pregleda i ocjene ponuda utvrđeno je da:

- u predmetnom postupku nabavke i nadmetanju, Ugovornom organu dva ponuđača su dostavila ponude za usluge hotelskog smještaja u Tuzli – lot 3, i to: Rudar d.o.o-Hotel Minero Tuzla i d.o.o. Hotel Tehnograd Tuzla.
- da ponuda ponuđača d.o.o. Hotel Tehnograd Tuzla, nije prihvatljiva jer ponuđač nije dostavio ponudu u skladu sa tačkom 5.1. Tenderske dokumentacije prema kojoj ponuda mora biti izrađena na način da čini cjelinu i mora biti napisana neizbrisivom tintom. Svi listovi ponude moraju biti čvrsto uvezani na način da se onemogućí naknadno vađenje ili umetanje listova (ponuda mora biti ukoričena u knjigu ili ponuda osigurana jemstvenikom). Ponuđač d.o.o. Hotel Tehnograd Tuzla je ponudu dostavio u više dijelova, ponuda nije

uvezana na način da čini cjelinu. Ugovorni organ dužan je u skladu sa članom 68. stav (4) tačka i) predmetnu ponudu odbaciti, jer ponuda ne ispunjava zahtjeve tražene tenderskom dokumentacijom.

- ponuđač Rudar d.o.o-Hotel Minero Tuzla je kvalificiran ponuđač i njegova ponuda je prihvatljiva.
- ocjenom ponude kvalificiranog ponuđača, primjenom kriterija najniža cijena, Komisija je predložila ponudu ponuđača Rudar d.o.o-Hotel Minero Tuzla za pružanje usluga hotelskog smještaja u Tuzli – lot 3.

Na prijedlog Komisije, Ugovorni organ donio je Odluku kao u dispozitivu.

Pouka o pravnom lijeku: Protiv ove Odluke dozvoljena je žalba. Žalba se može izjaviti Ugovornom organu u pisanoj formi direktno, elektronskim putem ili preporučenom poštanskom pošiljkom u dovoljnom broju primjeraka koji ne može biti manji od tri, u roku od 10 dana od dana prijema ove Odluke.

Dostaviti:

1. Rudar d.o.o-Hotel Minero Tuzla
2. d.o.o. Hotel Tehnograd Tuzla
3. a/a

